

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

XI. Philippus Augustus nonnullas Ecclesias liberavit à jure Regalium; sed Episcopis earum non remisit juramentum fidelitatis. De Regalia Turonensi.

urn:nbn:de:hbz:466:1-15617

sius anno M C C C X X I V . Ex Eglises de nostre Royaume , esquelles nous avons droit de Regale . Extat autem in camera Computorum vetus regestum , (cuius excerpta referuntur à Pasquier lib. II I . Disquisitionum Francicarum cap. XXXVI .) in quo enumerantur Ecclesiæ subjectæ huic juri Regaliæ , itemque Ecclesiæ in quibus Reges non utebantur eo jure . Inter subjectas autem ponuntur , provincia Senonensis , excepto episcopatu Autissiodorensi ; Remensis provincia , excepta Ecclesia Cameracensi ; provincia Bituricensis , exceptis episcopatu Lemovicensi , Cadurcensi , Ruthenensi , Albiensi , & Mimateni ; provincia Turonen sis , exceptis Britonum Ecclesiis ; & provincia Rothomagensis . Provinciae verò qua subjectæ non sunt , sunt istæ , Burdegalensis , Auscitana , Narbonensis , & Arelatensis .

Huic regulæ , quæ nobis à majoribus tradita est , inititur constitutio Ludovici XII . edita anno M C D X C I X . quæ his verbis concepta est : *Defendons à tous nos Officiers qu'ez Archeveschez , Eveschez , Abbayes , & autres Benefices de nostre Royaume esquelz n'avons droit de Regale ou de Garde , ils ne se mettent dedans , sur peine d'estre punis comme scélératges .*

IX . Qui materiam hanc cum aliqua cura tractarunt , veluti Ruzaës & Probus , ex his constitutionibus consequi aiunt jus Regaliæ non esse ubique simile , nec in universo regno vigere , Regem verò eo uti non posse nisi in Ecclesiis ubi possessionem habet omni memoria antiquiore . Attamen dissimulandum non est tentasse jamdiu quosdam persuasum omnibus facere jus Regaliæ esse jus merè regium & ad Coronam pertinere , ut ipsi loquuntur , atque adeo ad universas Regni Ecclesiæ porrigidum esse absque discrimine . Ita enim ante hos trecentos ferme annos sensit Ioannes Butillerius in sua Summa Rurali . At Pasquierius , tametí Regius in Camera Computorum Advocatus esset , opinionem illam erroneam esse contendit & dignam potius adulatore aulae quam Iurisconsulto Gallo . Addit verò Guidonem Fabrum Pibracum generalem Regis in Parlamento Parisiensi Advocatum , qui jus Regaliæ generale ubique esse urgebat editio statui , id obtinere non potuisse , ac de sententia fuisse dejectum .

X . Nihilominus hinc factum est ut verus loquendi modus in antiquis Regum constitutionibus usurpatus , mutatus dein fuerit . Editum quippe anni millesimi sexcentesimi sexti verbis ambiguis & obliquis inflexis con-

ceptum est , quæ duplice interpretatione obnoxia sunt , cùm in eo contineatur Regem nolle uti jure Regalia in detrimentum Ecclesiæ exemptiarum . Verba enim hac occasionem subministrarunt investigandi an exemptione illa intelligenda esset de exemptione juris & de præscriptione , aut de exemptione à Principe concessa , sive gratuitō , sive titulo oneroso . Viam autem controversia hæc aperuit arresto Parlamenti Parisiensis lato anno M D C V I I I . quo edicxit ne Advocati in dubium revocent an Rex jure Regaliæ uti possit in universis regni Ecclesiis ; quod jam præjudicatum fuisse edictum esse intelligendum de exemptione concessa ob titulum onerosum . Querelam adversus hoc arrestum movit clerus Gallicanus apud regiam majestatem .

XI . Constat sanè plurimas Ecclesiæ fuisse exemptas , vel , ut apertis loquar , liberatas à jure Regalium , literis Philippi Augusti , veluti Autissiodorensim , Lingonensem , Nivernensem & , alias . Verum ea concessio non liberabat Ecclesiæ illarum Episcopos à juramento fidelitatis ; ut constat ex literis exemptionis Ecclesiæ Atrebantensis datis anno millesimo ducentesimo tertio : *Sed electum suum confirmatum nobis presentabant , ut fidelitatem nobis faciat , sicut alij Episcopi nostri nobis facere consueverunt .* Quoad exemptionem verò Regaliæ Turonen sis , item accuratiū disceptandam esse pronuntiatum est arresto lato anno millesimo quingentesimo quinquagesimo , eopættextu , quod Regina Blanca gratis restituerat Regaliæ electo Archiepiscopo Turonensi . Verum concessio illa facta fuerat in gratiam personæ , & in eo versabatur quod bona temporalia restitura fuerint electo ante consecrationem . Hujusmodi concessionis mentio extat in constitutione regia anni millesimi trecentesimi trigesimi secundi .

C A P V T XXV.

Synopsis.

I . Inquiritur an preter Regem aliqui Galliarum dynastia jure Regalia fruerentur in regno . Magni momenti est hec questio ad ostendendum falsam esse eorum opinionem qui jus illud ad solum Regem pertinere posse contendunt .

II . Duxes & Comites investituras olim eodem jure concedebant quo Principes . Probatur ex synodo Romana Gregorij septimi & ex regesto ejusdem Pontificis .

III . Rotlocus Comes Huberto Abbatii sancti Dionysii Nogenti tradidit baculum pastoralē , eique curam monasterij commisit .

IV . Comites Sabaudia soliti erant concedere in-